

ପିତର ଲିଖିତ ଦ୍ଵିତୀୟ ପତ୍ର ପିତର ଲେକ୍ତାଦ୍ ଦ୍ଵିତୀୟ ଚିଠି ପିତର ବଇ ବିଷୟରେ ଅଣ୍ଟାୟ ପଦ୍

ପିତରଠେ ଦ୍ଵିତୀୟ ଚିଠି କେତିତ୍ ଯେ, ଆଦ୍ ଚିଠି ପ୍ରେରିତ୍ ପିତର ତତ୍ ଲେକା ଆସ୍ମିନ୍ଦେ । ଇତ୍ କେ ଇଞ୍ଜ ନାଗେ ପଣ୍ଡିତ୍ ନାରୁଡ୍ ଇଦ୍ ସତ୍ ଆୟ ଇଞ୍ଜ କେତିତ୍ । ସମ୍ବାବନା ଇଦ୍ ମେଣ୍ଡେଅର୍ଡ୍ ପିତରଠେ ବାଦୁଲ୍ ଲେକ୍ତଣ୍ । ଲେକ୍ତେନନ୍ କେତିତ୍ ଯେ ଅଣ୍ଟା ଜିସୁ କ୍ରିଷ୍ଟନ୍ ଉଡ୍ତେନଣ୍ ସାକ୍ଷୀ ଆଡ୍ତଣ୍ । ବିଶେଷ୍ ବାବେ ଜିସୁ କ୍ରିଷ୍ଟନ୍ ଲେକାମ୍ ବିଷୟ କେତିତ୍ ୧:୧୭-୧୮ । ଯଦି ପିତର ଇଦ୍ ଚିଠି ଲେକ୍ତଣ୍ ସମ୍ବାବନା କ୍ରିଷ୍ଟନ୍ ଜନମ୍ତେ ପେକେ ୫୭-୬୯ ଲୋପେ ଅନ୍ ତଲାନ୍ ମୁନେନ୍ ଇଦ୍ ଲେକ୍ତଣ୍ । ପିତର ଗାଲା ଇଦ୍ ତାନ୍ ଦ୍ଵିତୀୟ ଚିଠି ଇଞ୍ଜ କେତିତ୍ ୩:୧ । ପିତରଠେ ମୁନେନ୍ ଚିଠି ଲେକା ଆଡ୍ତେ ପେକେ ଆଦ୍ ଲେକ୍ତାଦ୍ ସମୟତିଙ୍କ ପଡ୍ତୟେ ଇସ୍ ଇଦ୍ ଦ୍ଵିତୀୟ ଚିଠି ଇଞ୍ଜ କେତିତ୍ । ଅଣ୍ଟା ସାରେ କ୍ରିଷ୍ଟିୟାନ୍ ନାରୁଡ୍ କିଙ୍କ ଇଦ୍ ଚିଠିତାଗ୍ ପାତା ଇଦ୍ତଣ୍ ୨ । ପିତର ବିଶ୍ଵାସୀ ନାରୁଡ୍ କ୍ ସାହାସ୍ ଇଦାନଙ୍କ୍ ନୁ ସାୟେ ଜିଝୁଣ୍ ବାଦ୍ କାନ୍ ସେଙ୍ଗେ ମେଣ୍ଡେ ମିର୍ ମେଣ୍ଡେରିଡ୍ ପେକେ ଆନ୍ମାର୍ ଇଞ୍ଜ ସତର୍କ୍ ମାଡାନ୍ ସେଙ୍ଗେ ଇଦ୍ ଚିଠି ଲେକ୍ତଣ୍ । ଜିସୁ ଖାଦାନ୍ ସେଙ୍ଗେ ନାଗେ ସମୟ ଆଦୁତଣ୍ ଇଞ୍ଜ କେସମାନ୍ଦାନ୍ ନାରୁଡ୍ କିଙ୍କ ପାସ୍ତାନ୍ ସେଙ୍ଗେ ସାହାସ୍ ଇଦୁତଣ୍ । ଇଶ୍ଵର ଜାମ୍ ଆୟଣ୍ ମାତର ସାରେତଡ୍ ଉଦ୍ଦାର୍ ପାଏମ୍ ଆଡ୍ତଡ୍ ଇଦ୍ ଇଶ୍ଵର ଇଚ୍ଛା ମାଡ୍ତୁଣ୍ ୨ ପିତର ୩:୮-୯ ଇଦ୍ ଅଣ୍ଟାୟ ସାୟେ ଜିଝୁଣ୍ ତାଦ୍ କାରନ୍ ୩:୧୪ ।

ବଇତ୍ ଲୋପେ ମାନ୍ଦାନ୍ ମୁକ୍ୟ ବିଷୟ

୧. ପିତର ଅଣ୍ଟା ନିଜର ପରିଚୟ ଇଦ୍ତଣ୍ ମେଣ୍ଡେ ତାନ୍ କାର୍ତ୍ତାନ୍ତକିଙ୍କ ପାତା ଇଦ୍ତଣ୍ । ୧:୧-୨
୨. ତାନ୍ପେକେ ବିଶ୍ଵାସୀ ନାରୁଡ୍ କ୍ ସାୟେ ଜିଝୁଣ୍ ବାଦ୍ କାନ୍

ସେଙ୍ଗେ ମନେ ମାଡ଼ିଦତ୍ତଣ୍ଡ, ବାତେକ୍‌ଇତ୍‌କେ ଇଶ୍‌ବର୍ ମାନାଙ୍କ
ସପର୍ ମାଡ଼ତଣ୍ଡ । ୧:୩-୨୧

୩. ଅଣ୍ଡ ମିର୍ ମେସ୍‌ବେରିଡ଼୍‌କ୍ ସତର୍କ୍ ମାଡ଼ି ମାଡେକ୍ ସମୟତେ ଅଡ଼୍,
ପ୍ରତି ବାଡ଼ ଗଟେମ୍ ଆଦ୍‌ତେ ଆଦ୍ କେତିତଣ୍ଡ । ୨:୧-୨୨

୪. ପିତର୍ ଜିସୁ କ୍ରିଷ୍ଟନ୍ ମେଣ୍ଡେଅନ୍‌ଦାମ୍ ସେଙ୍ଗେ ତିଆର୍‌ଆସ୍ ମାଞ୍ଜି
ସାୟେ ଜିଝୁଣ୍ଡ ବାଦ୍‌କାନଙ୍କ ସାହାସ୍ ଇଦ୍‌ତଣ୍ଡ । ୩:୧-୧୭

୧ ଶିମୋନ୍ ପିତର୍‌ତେ ଚିଟି; ଜିସୁ କ୍ରିଷ୍ଟନ୍ ଝେରଣ୍ଡ ଦାସ ନୁ ପ୍ରେରିତ,
ବେନଡ଼୍ ମାନ୍ ଇଶ୍‌ବର୍ ନୁ ଡ୍ରାଣକର୍ତ୍ତାଲ୍ ଜିସୁ କ୍ରିଷ୍ଟନ୍ ଦାର୍ମାମ୍‌ତେ
ସେଙ୍ଗେ ବିଶ୍ୱାସ୍ ଲେକାମ୍ ନାଗେ ଦାନାମ୍ ଦାନ ପାଏମ୍ ଆଡ଼ତଡ଼୍, ଅଡ଼୍,
ଗାରେ ଇଦ୍ ଚିଟି ଲେକୁତଣ୍ଡ ।

୨ ଇଶ୍‌ବର୍ ନୁ ମାନ୍ ପ୍ରବୁ ଜିସୁ କ୍ରିଷ୍ଟନ୍ ବିଷୟତେ ମିୟାଦ୍ ଜ୍ଞାନ ତଡ଼୍,
ପୁରାପୁରି ମିକିଙ୍କ୍ ଅନୁଗ୍ରହ ନୁ ଶାନ୍ତି ଆୟି ।

ଇଶ୍‌ବର୍ କାର୍‌ଜାନାଦ୍ ନୁ ଏଞ୍ଜାନାଦ୍

୩ ଲେକେଡ଼ ଦାର୍ମାମ୍ ଜିଝେ ବାଦ୍‌କାନ୍ ସେଙ୍ଗେ ମାନାଙ୍କ ବାଡ଼ସାରେ
ଦର୍କାଡ଼୍, ଆଦ୍ ଇଶ୍‌ବର୍ ନିଜର୍ ସ୍ୱର୍ଗୀୟ ଶକ୍ତିତେ ମାନାଙ୍କ ଦାନ ମାଡ଼ତନ୍
। ବେନ ନିଜର୍ ମୟିମା ନୁ ଦାର୍ମାମ୍‌ତାଗ୍ ବାରିଦାର୍ ଆଦାନ୍ ସେଙ୍ଗେ
ମାନାଙ୍କ ଆସ୍ତାନ୍ ମାଡ଼ତନ୍, ଅଙ୍କ ପୁଡ଼ତାଙ୍କ ମାମେ ଇଦ୍ ଦାନ ପାଏମ୍
ଆଡ଼ତମ୍ ।

୪ ଇଦ୍‌ଲେକାମ୍ ଅଣ୍ଡ ମାନାଙ୍କ ଅନ୍ ଇଚ୍ଛାଲେକାମ୍ ଲେକେଡ଼ ମହାନ୍
ନୁ ମୁଲ୍ୟବାନ୍ ଦାନ ଇଡ଼ତନ୍ । ଇଦ୍ ସାରେ ଦାନ ତଡ଼୍, ମିଡ଼୍,
ଇଦ୍ ଜଗତ୍‌ତେ ଦଂତକାରି କାମ୍‌ତାଗାଙ୍କ ଉଦ୍ଧାର୍ ଆସ୍ ସ୍ୱର୍ଗତାଦ୍
ସ୍ୱଭାବ୍‌ତାଗ୍ ଅଂଶି ଆଦେ ପାର୍‌ଦତିଡ଼୍ ।

୫ ଆଦିନ୍ ସେଙ୍ଗେ ମିୟାଦ୍ ବିଶ୍ୱାସ୍ ତଡ଼୍, ସାୟେଡ଼ ଗୁନାମ୍; ସାୟେଡ଼
ଗୁନାମ୍ ତଡ଼୍ ଜ୍ଞାନ;

୬ ଜ୍ଞାନ ତଡ଼୍, ନିଜର୍ ଗାଡ଼ସ୍; ନିଜର୍ ଗାଡ଼ସ୍ ତଡ଼୍, ସୟେମ୍
ଆଦାନାଦ୍; ସୟେମ୍ ଆଦାନାଦ୍ ତଡ଼୍ ଇଶ୍‌ବର୍‌ପରାୟଣ;

୭ ଇଶ୍‌ବର୍‌ପରାୟଣ ତଡ଼୍, ଦାଦାଲ୍‌ତାମୁଣ୍ଡ ସ୍ନେହ ନୁ ଦାଦାଲ୍‌ତାମୁଣ୍ଡ
ସ୍ନେହ ତଡ଼୍‌ପ୍ରେମ କାଲ୍‌ପାନଙ୍କ ଜିଝୁଣ୍ଡ ଇସ୍ ତେଷ୍ଟା ମାଡ଼ାଟ୍ ।

୮ ଇଝୁ ସାୟେତ ଗୁନାମ୍ ମିକିଂଙ୍କ ଦରକାର ଆଦତେ; ଇଝୁସାରେ ମିୟାଗ୍ ମାଡ଼କେ, ମିଡ଼୍ ପାଏମ୍ ଆଡ଼ତେ ପ୍ରବୁ ଜିସୁ କ୍ରିଷ୍ଟନ୍ ଜ୍ଞାନ ମିକିଙ୍କ ସକ୍ରିୟ ନୁ ସଫଳ ମାଡ଼ି ନେଃଏତିତନ୍ ।

୯ ଇଡ଼କେ ଇଝୁସାରେ ଗୁନାମ୍ ବେନନାଗ୍ ଇଲ୍ଲେ, ଅଣ୍ଡ କାନାଲ୍ ନୁ ଗାଟି ଜେକେ ଉଡ଼ାନଙ୍କ ପାର୍ଝଣ୍ଡ; ଅଦିନ୍ ମୁନେଙ୍କ ମାଡ଼ତେ ସାରେ ପାପତାଗାଙ୍କ ପରିଷ୍କାର ଆଡ଼ତେ ଇଞ୍ଜ ଅଣ୍ଡ ମାର୍ଜକତନ୍ ।

୧୦ ଆଦିନ୍ସେଜେ, ଆ ଦାଦାନଡ଼ି ନୁ ଏଲ୍ଲାସ୍, ଇଶ୍ବର ଯେ ମିକିଙ୍କ ଏଞ୍ଜିମିକା କାର୍ଜକତନ୍; ଇଦ୍ ଆନୁବୁତିତିଙ୍କ ସାରେଦିନା ମାଡ଼ନ୍ ସେଜେ ଅଦିକ୍ ଯନ୍ବାନ୍ ଆୟ୍ମୁର୍ । ଇଦ୍ଲେକାମ୍ ମାଡ଼କେ, ମିଡ଼୍ ବେସୁଙ୍କ ମୀଇ ବିଶ୍ବାସ୍ତାଗାଙ୍କ ଖେରେ ଆୟ୍ମୁଡ଼ି ।

୧୧ ଇଦ୍ ଉପାୟତେ ମାନ୍ ପ୍ରବୁ ନୁ ତ୍ରାଣକର୍ତ୍ତାଙ୍କ ଜିସୁ କ୍ରିଷ୍ଟନ୍ ଅନନ୍ତ ରାଜ୍ୟତାଗ୍ ନେଜ୍ଞାନ୍ ସେଜେ ମିଡ଼୍ ପୁରା ଅଦିକାର ପାଏମ୍ ଆଦତିଡ଼ ।

୧୨ ଯଦିବା ମିଡ଼୍ ଇଦ୍ ସାରେ ବିଷୟ ପୁଡ଼ତିଡ଼, ନୁ ମିୟାଦ୍ ପାଏମ୍ ଆସ୍ମାନ୍ଦାନ୍ ସଡ଼ତେ ତୁଟାଙ୍ଗ୍ ତିଆର୍ ଆଡ଼ତିଡ଼, ଇଝୁସାରେ ଗଟି ନାନେ ସାରେଦାମ୍ ମିକିଙ୍କ ଏକ୍ମା ଖାଟିଦାନଙ୍କ ଇଚ୍ଛା ମାଡ଼ତୁନ୍ ।

୧୩ ନାନେ ଜିଝେ ମାନ୍ନା ଯାକ ଇଝୁସାରେ ବିଷୟ ସେଜେ ମିକିଙ୍କ ଚେତନା ମାଡ଼ାନାଦ୍ ନା ସେଜେ ଟିକ୍ ଆଦତେ ଇଞ୍ଜ ନାନେ ଆଲ୍ଲସିତାନ୍ ।

୧୪ ମା ପ୍ରବୁ ଜିସୁ କ୍ରିଷ୍ଟନାଗାଙ୍କ ଗାଟିସାୟେ ସୁଚନା ପାହେମ୍ ଆସ୍ମାନ୍ଦାନ୍ ଲେକାମ୍ ସିଟ୍ପାର୍ ଡଲାନ୍ ମେନ୍ଦୁଲ୍ ଝିଡ଼ସିତାନ୍ ଇଞ୍ଜ ନାନ୍ ପୁଡ଼ତାନ୍ ।

୧୫ ନାୟାଦ୍ ତଲ୍ଲତେ ପେକେ ମିକା ମିଡ଼୍ ବେଲା ଇଝୁସାରେ ବିଷୟ ସାରେଦିନା ଏକ୍ମା ନେଃଏତିତିଡ଼, ଇଦିନ୍ ନିୟମ୍ ମାଡ଼ାନଙ୍କ ନାନେ ପାର୍ଡେ ଆସର୍ ରେଷ୍ଟା ମାଡ଼ତୁନ୍ ।

କ୍ରିଷ୍ଟନ୍ ମହିମାତାଦ୍ ସାକ୍ଷୀ

୧୬ ପ୍ରବୁ ଜିସୁ କ୍ରିଷ୍ଟଙ୍କ ଗୌରବମୟ ମେଣ୍ଡୁନଦାମ୍ ଖାଦାନ ବିଷୟତେ ମିକିଙ୍କ କେଞ୍ଜପାନଙ୍କ ମାମେ ଆଲ୍ଲସତେ ଖେଷଡ଼୍ ପର ଆସେ ନେଏଞ୍ଜମ୍ । ମାମେ ନିଜର୍ କଣ୍ଡେତାଗ୍ ଅନ୍ ମଇମା ଉଡ଼ତମ୍ ।

୧୭ ✧ ବାବାଲ୍ ଇଶ୍ବର ତତ୍ ଅଣ୍ଟ ସମ୍ମାନିତ ନୁ ଗୌରବାନ୍ବିତ ଆଦାନ ଖେଲେ ମାମେ ଆଗେ ମାଡ଼ତମ୍ । ମହାମହିମାତାଗାଙ୍କ ଅନ୍ ବିଷୟରେ କେସ୍ ମାନ୍ଦାନ ଇଦ୍ ଗଟ୍ ମାମେ କେଉଁତମ୍, “ଇଣ୍ ମାନ୍ ପ୍ରିୟ ମାର୍, ଇଣ୍ ସେଙ୍ଗେ ମାମେ ସନ୍ତୁଷ୍ଟ ।”

୧୮ ମାମେ ଅନ୍ ତତ୍ ଆଦ୍ ପବିତ୍ର ମେଟେତାଗ୍ ପରୁ ମାନ୍ଦାନ ଖେଲେ ମାମେ ନିଜେ ଇଦ୍ ସ୍ବର୍ଗତେ ଗଟ୍ କେଉଁତମ୍ ।

୧୯ ଆଦିଙ୍କ ବାବବାଦିନତତ୍ ପ୍ରଚାର୍ ମାଡ଼ତେ ଗଟ୍ ତତ୍ ମାୟାଦ୍ ବିଶ୍ବାସ୍ ଅଦିକ୍ ତୁଟାଙ୍ ଆଡ଼ତେ । ଅଦିନ୍ ସେଙ୍ଗେ ମିଡ଼୍ ମିକା ମନ୍ ଇଦାନ୍ ଦରକାଡ଼୍, ବାତେଙ୍କିକ୍ ଆଦ୍ ଇକାଡ଼ତାଗ୍ ଖେରଡ଼୍ କୁପି ଖେସ୍ ଲେକାମ୍ । ବାଲ୍ ଶ୍ରେୟତେ ଖେଲେପେୟତାନ୍ ଉକାକିନ୍ ଖେସ୍ ମୀଇ ହୃଦୟତାଗ୍ ପେଇନା ଯାକ ଇଦ୍ ନିଡ଼ସ୍ ମାନ୍ତେ ।

୨୦ ମିଡ଼୍ ଇଦ୍ ଇସର୍ ପୁଞ୍ଜ୍ ମାନୁର୍ ଯେ, ଦର୍ମଶାସ୍ତ୍ରତାଗ୍ ଲେକାମାନ୍ଦାନ ବେନେବା ବାବବାଣୀ ବେନ ନିଜର୍ ଜ୍ଞାନତେ ବୁଜେମ୍ ଆଦାନଙ୍କ୍ ପାର୍‌ଖଣ୍ ।

୨୧ ବାବବାଣୀ ମାତର୍ ନାରୁନ୍ ଆଲ୍‌ସାନ୍ ଲେକାମ୍ ଆୟ୍ । ଇଶ୍ବରତେ ବନ୍ଧୁ ଦାସନତ୍ ପବିତ୍ରଆମ୍ ତତ୍ ପରିଚାଲିତ୍ ଆସ୍ ଇଶ୍ବରତାଗାଙ୍କ୍ ପାଏମ୍ ଆସ୍‌ମାନ୍ଦାନ କାରୁର୍ ପ୍ରକାଶ୍ ମାଡ଼ତତ୍ ।

୨

ବୁଧାମାଡ଼ାନ୍ ମେସ୍ତେରିଡ଼୍

୧ ମୁନେଙ୍କ୍ ବେଲାନ୍ ନାରୁଡ଼ାଗେ ମିକା ବଣ୍ଟବାବବାଦିଡ଼୍ ତଅନ୍ଦି ମାଡ଼ତତ୍, ଟିକ୍ ଆଦେଲେକାମ୍ ମିୟାଗେ ବୁଧାମାଡ଼ାନ୍ ମେସ୍ତେରିଡ଼୍ ପେଇତିତତ୍ । ଅଡ଼୍ ସାରେ ବିନଷ୍ଟକାରିଡ଼୍ ଅଡ଼୍ ଆଲାନ୍ ବୁଧା ଶିକ୍ଷା ଇଦ୍‌ତତ୍ ନୁ ବେନ୍ ପ୍ରବୁ ଅଡ଼୍‌କିଂଙ୍କ୍ ମୁକ୍ତି ଇସ୍‌ମିନ୍ଦେନ୍, ଅଙ୍କ୍ ସ୍ବୀକାର୍ ମାଡ଼ତତ୍ । ଆଦିଙ୍କ୍ ସେନେକ୍ତିଙ୍କ୍ ଅଡ଼୍‌ସାଦ୍ ବିନାଶ ଗଟେମ୍ ଆଦ୍‌ତେ ।

୨ ଆଗେକ୍‌ବା ନାଗେ ଅଡ଼ାଦ୍ ଅଦର୍ମ ମାର୍ଗ ଲେକାମ୍ ନିଜାମ୍ ସଡ଼୍ ମାଡ଼ିତତ୍ । ବାଗାତତ୍ ଅଡ଼ାଦ୍ କାମ୍‌ମାଡ଼ାନାଦ୍ ଉଡ଼ି ଦର୍ମ ଆରଦେ ବିରୁଦ୍ଧତେ ଗଟି କେତିତତ୍ ।

✧ ୧:୧୭ ମାତିଉ ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫.

¶ ଇଡ଼୍, ବୁଝା ମାଡ଼ାନ୍ ମେସ୍ତେରିଡ଼୍, ଦନ୍‌ଆସେତିଙ୍କ୍ ମାନ୍‌ମାୟିସ୍ ଗଟି କେସ୍ ଲାବ୍ ତେଷତିତଡ଼୍ । ଇଡ଼୍‌କେ ନାଗେ ଦିନାକଞ୍ ଇଶ୍ବର ଇଡ଼ାଦ୍ ବିଚାର୍ ମାଡ଼୍ ଝାଦୁତଣ୍ ନୁ ଇଡ଼ାଦ୍ ଡଲାନ୍ ଦିନାମ୍ ଗାରେ ଆସ ଝାଦୁଡ଼୍ ।

୪ ଇଶ୍ବର ପାପାମ୍ ଦୂତକିଙ୍କ୍ କ୍ଷମା ଇଞ୍ଜକର୍ ନର୍କତାଗ୍ ହେସ୍‌ସି ମାଡ଼ତନ୍ । ଆଗେ ଆସ୍ତୁ ମହାବିଚାର୍ ଦିନ୍ ଯାକ ଇକାଡ଼୍‌ତେ ଗୁୟିନ୍‌ଦେତାଗ୍ ମିନ୍‌ଦେ ।

୫ ଇଶ୍ବର ପୁରାତନ୍ ଜଗତ୍‌ତିଙ୍କ୍ ଦଣ୍ଡ ଇଞ୍ଜକର୍ ଝିଡ଼୍‌ସିଞ୍ଜେ ମାଡ଼ତନ୍; ଆଦାମ୍‌କ୍ ଜଗତ୍‌ତେ ନାରୁଡ଼୍ ପରୁ ଗାଟିଏର ତଡ଼୍ ମୁଃଉସ୍ ଦଂସ ମାଡ଼ିମାଡ଼ତନ୍ । ଆଦ୍ ମାଡ଼ର୍ ଦର୍ମ ପ୍ରଚାର୍ ମାଡ଼ମାନ୍‌ନ୍ ନୋହ୍ ନୁ ବାଗାଡ଼୍ ସାଡ଼ଜାନ୍ ନାରୁଡ଼୍‌କ୍ ରକ୍ଷା ମାଡ଼୍‌ତଣ୍ ।

୬ ତାନ୍‌ପେକେ ଇଶ୍ବର ସଦୋମ୍ ନୁ ଗମୋରା ନଗର୍ ରେଣ୍ଡିଙ୍କ୍ ଦଣ୍ଡିକ୍‌ସ୍ କିସ୍‌ତେ ଦଂସ ମାଡ଼୍‌ତନ୍ ନୁ ଦାର୍ମାମ୍ ଇଲ୍‌ଞ୍ଜେ ନାରୁଡ଼୍, ସେକ୍‌କେ ବାତେ ଗଟେମ୍ ଆଦ୍‌ତେ, ଇଞ୍ଜୁ ରେଣ୍ଡି ନାର୍‌କିଙ୍କ୍ ଅନାଦ୍ ଝେଷଡ଼୍‌ଲେକାମ୍ ନେଃଏତଣ୍ ।

୭ ଦାର୍ମାମ୍ ଇଲ୍‌ଞ୍ଜେ ନାରୁଡ଼୍‌ତେ କାରାପ୍ ବ୍ୟବହାର୍ ସେକ୍‌କେ କଷ୍ଟ ଆସ୍‌ମାନ୍‌ନ୍ ଦାର୍ମାମ୍‌ତଣ୍ ଲୋଟଙ୍କ୍ ଇଶ୍ବର ରକ୍ଷା ମାଡ଼୍‌ତଣ୍ ।

୮ ଆଦିଙ୍କ୍ ସାୟେତଣ୍ ଲୋଟ ଅଡ଼୍‌ତଡ଼୍, ତଡ଼୍ ମାନ୍‌ନ୍ ଝେଲେ ସାରେଦାମ୍ ଅଡ଼ାଦ୍ କାରାପ୍ କାମ୍ ଉଡ଼ି ନୁ କେଞ୍ଜି ସାରେଦିନାମ୍ ମନ୍‌ତାଗ୍ ନାଗେ ଦୁଃକାମ୍ କଷ୍ଟ ଆଲ୍‌ସି ମାଡ଼୍‌ତଣ୍ ।

୯ ପ୍ରବୁ ପୁଡ଼ତନ୍, ବେଲାନ୍ ଦାର୍ମାମ୍‌କ୍ ନାରୁଡ଼୍‌କିଙ୍କ୍ ଅଡ଼୍‌କିଙ୍କ୍ ପରିକ୍ଷାତାଗାଙ୍କ୍ ରକ୍ଷା ମାଡ଼ାନଙ୍କ୍ ଆଦ୍‌ତେ । ମେଣ୍ଡେ ଦୁଷ୍ଟର୍ମକାରିଡ଼୍‌କ୍,

୧୦ ବିଶେଷତଃ ବେନଡ଼୍ ଇଶ୍ବରତେ କ୍ଷମତାତିଙ୍କ୍ ପେକେ ଝାଟ୍‌ଟି ନିଜେଡ଼୍ ମେନ୍‌ଲ୍‌ତେ ଆସେ ଚରିତାର୍ଡ଼ ମାଡ଼ମାନ୍‌ତଡ଼୍, ଅଡ଼୍‌କିଙ୍କ୍ ମହାବିଚାର୍‌ତେ ଦିନାମ୍ ଯାକ ବେଲାନ୍ ଦଣ୍ଡିଡ଼୍ ମାଡ଼ି ଝାଟ୍‌ଟିତଡ଼୍, ଆଦ୍ ଅଣ୍ଡ୍ ପୁଡ଼ତନ୍ । ଆ ବୁଝା ମେସ୍ତେରିଡ଼୍, ବେନଙ୍କ୍ ଝେରୁଞ୍ଜଡ଼୍, ମନ୍‌କ୍ଷାତେ କାମ୍ ମାଡ଼ିତଡ଼୍ ନୁ ନିଜର୍ ବିଷୟତେ ଆଶେତାସ୍ତୁ ଗଟି କେଡିତଡ଼୍ । ଅଡ଼୍ ସ୍ବର୍ଗଦୂତକିନ୍ ବିରୁଦ୍‌ତେ କାରାପ୍ ଗଟି କେଡାନଙ୍କ୍ ଝେରୁଞ୍ଜଡ଼୍ ।

୧୧ ଅତଃ ଶ୍ରୀମତଃ ଗାତି ଶକ୍ତିଃ ନୁ ସାହାସୀ ଦୃଢ଼ାନ୍ତଃ ନିକା ଇଶ୍ବରତେ ମୁନେ ଗାତି ଗୌରବମୟତେ ଜିଞ୍ଜିଂଷା ନିନ୍ଦା ମାତି ଆଞ୍ଜିଂ ଦୋଷି ମାତିତ୍ ।

୧୨ କିନ୍ତୁ କୁସା ମେସ୍ତେରିତ୍ ମୁକ୍ତ ପଶୁ ଲେକାମ୍ ସ୍ବବାବ୍ ଲେକାମ୍ ସିଟ୍ ପାଟ୍ ନାଡ଼କାନଙ୍କ ପୁଟ୍ତା । ବେନ୍ ବିଷୟ ବୁଜେମ୍ ଆୟତ୍ ଆଦିଙ୍କ ଅତ୍ ଗଲକ୍ ମାତିତତ୍ କିନ୍ତୁ ଅତ୍ ବନ୍ ପଶୁ ଲେକାମ୍ ଦଂସ ଆଦତତ୍ ।

୧୩ ମେଣ୍ଡେବାଗାତତ୍ ବେଲାନ୍ ତିପାଲ୍ ଇଡତତ୍ ନିଜେ ଆଦଲେକାମ୍ ଦୁଃକାମ୍ କଷ୍ଟ ଆଦତତ୍ । ବାଡ୍ ଆୟି ଅତ୍ ଖାଦ୍ ମେନ୍ଦୁଲ୍ତେ ସାରେ ଲାଲସା ପୁରା ମାତିତ୍, ଆଦ୍ ଅତ୍ ପାୟାଲ୍ ଝେସିନାଗ୍ ନାରୁଡ଼ାଗ୍ ଝେଡକେ ପାହେମ୍ ଆଦତତ୍ । ଅତ୍ ନିଜେତ୍ ତଲ୍ଲନାତେ ବଡ଼ କାମ୍ତାଗ୍ ଝେଡକେ ଆସତ୍ ମିଡ୍ ତତ୍ କାଲ୍ଲି ମିକା ତିନତତ୍ ।

୧୪ ଅତ୍ ମିକିଙ୍କ ସିଗ୍ ନୁ କାରକେ ପୟତେ ଲେକାମ୍ । ଅତ୍ ଖୁ କଣ୍ଡା କାରାପ୍ କାମ୍ତେ ନିଶ୍ଚିତେ । ଅତ୍ ପାପ୍ ବେସୁଙ୍କ ପୁରା ଆୟୟ । ଅତ୍ ଦୁର୍ବଲ୍ତେ ମନ୍ତେ ନାରୁଡ଼ା ଉଡ଼ିକଦାଗ୍ ଖାତିତତ୍ । ଲବି ଆଦାନଙ୍କ ଅତ୍ ଖାଦ୍ ଅବ୍ୟାସ୍ । ଅତ୍ ଇଶ୍ବରତେ ଅବିଶାପ୍ତେ ନାରୁଡ଼ା ଆଦତତ୍ ।

୧୫ ଅତ୍ ଲେକେତ୍ ପ୍ରେମଆର୍ ଶ୍ରୀମତଃ ନିକା ଝେରେ ଆର୍ତାଗ୍ ଆଞ୍ଜିମିଦେତ୍ । ବିଓଡତେ ମାର ବାଲାନତେ ଆର୍ ଅତ୍ ପୟଡତତ୍ । ଅଶ୍ଚ ଅନ୍ୟାୟ କାମ୍ ମାତି ସାୟେତ୍ ଦନ୍ ଲାବ୍ ମାଡନଙ୍କ ପସନ୍ଦ ଆଇନାଙ୍କ୍ ।

୧୬ ଇଦ୍ ପାପ ସେଙ୍ଗେ ଆସ୍ମାତତ୍ । ନାରୁନ୍ ଲେଙ୍ଗଦେ ଅନାଦ୍ ଗଦ୍ତେ ଗଟ୍ କେସ୍ ବେନ ବାବବାଦୀଙ୍କ୍ ବାୟେ ପାଡ଼ିତାଗାଙ୍କ୍ ଆୟସ୍ତନ୍ ।

୧୭ ଇଡ୍ କୁସା ମେସ୍ତେରିତ୍ ଖାସ୍ତେ ଲଲକେ ଲେକାମ୍ ନୁ ଗାଲ୍ଦେ ତାଲେମ୍ ଆଦାନ୍ ମାବ୍ ଲେକାମ୍ । ଇଶ୍ବର ଇଡ୍ ସେଙ୍ଗେ ଗାତି ଇକାଡ୍ ତାଗ୍ ଗୁଇଦେତାଗ୍ ପଡ଼ିୟେ ତିଆର୍ ମାଡତତ୍ ।

୧୮ ଅତ୍ ଆକାରତେ ନିଶ୍ଚିତତ୍ କାରାପ୍ ଗତି କେସମାନୁଡ଼ା; ଦସଂ କାରାଡାଗାଙ୍କ୍ ରକ୍ଷା ଆସ୍ ମିରି ଖାସମାନ୍ ନାରୁଡ଼ାଙ୍କି ନିଡ୍ ଶାରିରିକ କାମ୍ତେ ମାୟା ତଅସ୍ ଉଡ଼ିତାଗ୍ ଖାତିତତ୍ ।

୧୯ ଇଡ଼ିଙ୍କ ଅତ୍ କୁସା ମାଡାନ୍ ମେସ୍ତେରିତ୍ ସ୍ବାଦିନ୍ତେ ମାଡାନନ୍

ସେଙ୍ଗେ ନିଜେତ୍ ମନ୍ ଇଦତଡ଼, ଆଗେକ୍ ବା ଅଡ଼ ନିଜେ ଦ୍ରଂସକାରିଡ଼, ସାରେ ଲେକେଡ଼ କ୍ରିତଦାସ; ବାତେକ୍‌କେ ନାରୁଣ୍ଡ ବେନ୍ ବିଷୟତେ ମିନ୍ଦେଣ୍ଡ, ଅନାଦ୍ ଅଣ୍ଡ କ୍ରୀତଦାସ ।

^{୨୦} ମାନ୍ ପ୍ରବୁ ନୁ ତ୍ରାଣକର୍ତ୍ତାଲ୍ ଜିସୁ କ୍ରିଷ୍ଟନାଗାଙ୍କ୍ ଜ୍ଞାନ୍ ଆସ୍ ବେନଡ଼, ସଂସାରତେ ବିନାଶ ଆଦାନଡ଼ ଶକ୍ତି ନାଗାଙ୍କ୍ ରକ୍ଷା ଆଦାନ୍ ପେକେ ମେଣ୍ଡନ୍ ଦାମ୍ ଆସୁ ସାରେ ଆୟେ, ଅଡ଼ଝାଦ୍ ମାତେକ୍‌ତେ ଦଶା ମୁନେଡ଼ ଦଶାତାଗାଙ୍କ୍ ଗାଟି ଅଦିକ୍ ଶୋଚନିୟ ଆଦତେ ।

^{୨୧} ଦାର୍ମାମ୍ ଆର୍ ପୁଞ୍ଜ ଆଗେ ଇଡ଼ତେ ପବିତ୍ର ଶିକ୍ଷାତାଗାଙ୍କ୍ ଝେରେ ଆଦାନ୍ ଝିଡ଼ସି, ଯଦି ଅଡ଼ ମୁନେଙ୍କ୍ କଞ୍ଜ୍ ଚିକ୍ ଆର୍ ପୁନ୍‌ଝେ ମାନ୍‌ନେଡ଼, ଅଡ଼ ପାକେ ଲେକେଡ଼ ଆୟେଡ଼ । ଲେକେଡ଼ କାମ୍ ପୁଞ୍ଜ, ପବିତ୍ର ଶାସ୍ତ୍ରତେ ଶିକ୍ଷାତାଗାଙ୍କ୍ ଝେର ଆଦାନ୍ ଝିଡ଼ସି ଆଦ୍ ପୁନ୍‌ଝେ ମାନ୍‌ଦାନ୍ ଇକ୍‌କେ, ଅଦିକ୍ ଲେକେଡ଼ ଆୟେଡ଼ ।

^{୨୨} ଅଡ଼ ସେଙ୍ଗେ ବାଡ଼ ଗଟେମ୍ ଆଡ଼ତେ, ଆଗାଙ୍କ୍ ଇଦ୍ ନାରୁଡ଼, କେତାନ୍ ସତ୍ତାଗାଙ୍କ୍ ନିଜାମ୍ ଅଦୁଡ଼, “ନେୟ ବାତେ କାକିଡ଼ ଆଦିଙ୍କ୍ ମେଣ୍ଡେ ତିନ୍ଦିତେ, ପାଦ୍‌ତିଙ୍କ୍ ନରସିତେ ପେକେ ମେଣ୍ଡେ ବୁର୍ଦେତାଗ୍ ତଡ଼ଞ୍ଜାଙ୍କ୍ ଆଦତେ ।”

୩

ପ୍ରବୁ ଝାଦାନାଦ୍

^୧ ପ୍ରିୟ ସାଙ୍ଗଡ଼ି, ମୀଇ ଗାରେ ଲେକାନାଲ୍‌ଦ୍ ଇଦ୍ ନାୟାଦ୍ ଦ୍ଵିତିୟ ଚିଟି । ରେଣ୍ଡୁଆସ ଚିଟିତାଗ୍ ଇସ୍ତୁସାରେ ବିଷୟ ଏକା ମାଡ଼ିସ୍ ମୀଇ ମନ୍‌ତାଗ୍ ପବିତ୍ର ଚିନ୍ତା ପୁର୍ବସ୍ତାନଙ୍କ୍ ଚେଷ୍ଟା ମାଡ଼ତାନ୍ ।

^୨ ନାଗେ ମୁନେଙ୍କ୍ ପବିତ୍ର ବାବଦାଦିନଡ଼ ବେନ୍ ସାରେ ବାବବାଣି କେସ୍ ମାଡ଼ତଡ଼ ନୁ ତ୍ରାଣକର୍ତ୍ତାଲ୍ ପ୍ରବୁନାଦ୍ ବେନ୍ ସାରେ ଆଜ୍ଞା ମିକିଙ୍କ୍ ପ୍ରେରିତ ଶିଷ୍ୟଡ଼, ରହସ୍ ମିନ୍ଦେଡ଼, ଆଦ୍ ମିକିଙ୍କ୍ ଏକା ମାଡ଼ିଦାନଙ୍କ୍ ନାୟାଦ୍ ଇଚ୍ଛା ।

^୩ ☆ସାରେତିଙ୍କ୍ ମୁନେ ମିଡ଼ ପୁଞ୍ଜ ନେଏତାନାଦ୍ ଲେକେଡ଼ ଯେ, ଇଦ୍ ତେରାନ୍ ଦିନାକିନେ ବେସ୍ତୁଡ଼ ସତ୍ତତିଙ୍କ୍ ପରିଆସ୍ ମାଡ଼ି ନିଜର୍ କାରାପ୍ ବୁଦ୍‌ତେ ଚାଲେମ୍ ଆଦତଡ଼;

୪ ମେଣ୍ଡେ ଅଡ଼ ମିକିଙ୍କ ପରିହାସ ମାଡ଼ି କେତିତଡ଼, “ଜିସୁ ଖାଦତନ୍ ଇଞ୍ଜ ପ୍ରତିଜ୍ଞା ମାଡ଼ିମାଡ଼ତନ୍, ଆୟ କି ? ଅଣ୍ଟ ଇଞ୍ଜେ ବେଗା ? ମାନ୍ ଆନିଦାଦିଡ଼, ଡଲି ମିନ୍ଦେଡ଼, କିନ୍ତୁ ସୁଷ୍ଟତେ ଆରାମ୍ ତାଗାଙ୍କ ବାଡ଼ ବେଲାନ ମାଡ଼ତେ, ଇଞ୍ଜେ ମିକା ସାରେ ତ ଆଦରକମ୍ ମିନ୍ଦେ !”

୫ ଅଡ଼ ପୁଞ୍ଜପୁଞ୍ଜ ମାଙ୍ଗ ଡଡ଼ ଯେ, ମୁନେଙ୍କ ଇଶ୍ବର ଆଜ୍ଞା ମାଡ଼ତନ୍ ମେଣ୍ଡେ ମୟଲ୍ ନୁ ପୃତିବି ସୃଷ୍ଟି ଆଡ଼ତେ ! ପୃତିବି ଏରଦାଗାଙ୍କ ପେୟସ୍ ଏରଦେ ପର ତିଆର ଆଡ଼ତା;

୬ ମେଣ୍ଡେ, ଅନ୍ ତଡ଼ ଆଦ ପୁରାତନ୍ ପୃତିବି ଦିନେ ଗାଟି ଏର୍ ଖାସ୍ ବିନଷ୍ଟ ଆଡ଼ତେ ।

୭ କିନ୍ତୁ ଇଞ୍ଜେ ବେନ୍ ମୟଲ୍ ନୁ ପୃତିବି ମିନ୍ତେ, ଆଦ ଇଶ୍ବରତେ ଆଜ୍ଞା ତଡ଼ କିସ୍ତେ ଦ୍ରୁସ୍ ଆଦାନ ସେଙ୍ଗେ ନେଃଏତଣ୍ଟ । ବେନ୍ ଦିନେ ଆଦାମ୍ କ ନାରୁଡ଼ ବିଚାର ଆସ୍ ବିନଷ୍ଟ ଆଦତଡ଼, ଆଦ ଦିନାମ୍ ଯାକ ଆଦ ସୁରକ୍ଷା ଆସ୍ ମାନତେ ।

୮ ଇଡ଼କେ ଆ ପ୍ରିୟ ସାଙ୍ଗନଡ଼ି, ଝେରଡ଼ ବିଷୟ ମାର୍ଜ୍ଜମାର୍ । ଇଶ୍ବରତେ କଣ୍ଡେତେ ଅଣ୍ଟୟ ଦିନ୍ ନୁ ହଜାର୍ ଏଣ୍ଟିକ୍ତାଗାଙ୍କ ବାଡେ ଝେରେ ଇଲେ । ଅନ୍ ଗାରେ ଇଞ୍ଜୁ ରେଣ୍ଟ ସାମାନ୍ ।

୯ ପ୍ରବୁ ତାନ୍ ପ୍ରତିଜ୍ଞା ପୁରା ମାଡ଼ାନଙ୍କ ଲେର୍ ମାଡ଼ଣ୍ଟ, ଯଦି ବା ବେସ୍ କଡ଼ୁଡ଼ ଇଦିଙ୍କ ଲେର୍ ଇଞ୍ଜ ଏକା ମାଡ଼ିତଡ଼ ମାଡ଼ର ପ୍ରବୁ ମି ସେଙ୍ଗେ ଗାଟି ସହନଶିଳ । ଅଣ୍ଟ ଇଚ୍ଛା ମାଡ଼ନ୍, ବେନ ଝେରଣ୍ଟ ବିନଷ୍ଟ ଆଇଣ୍ଟ । ସାରେତଡ଼ ନିଜର୍ ନିଜର୍ ପାପତାଗାଙ୍କ ମାଲ୍ ଝିଡ଼, ଇଦ୍ ଅନାଦ୍ ଇଚ୍ଛା ।

୧୦ ଇଡ଼କେ ପ୍ରବୁନ୍ ଦିନାମ୍ ଡଙ୍ଗାଲ୍ ଲେକାମ୍ ଖାଦତେ । ଆଦ ଦିନେ ଅଣ୍ଟୟ ଗାଟି ଲେଙ୍ଗଦେ ଲୋପେ ମୟଲ୍ ମାୟିଆଦତେ । ମୟଲ୍ ତାଗ୍ ମାୟାନ୍ ଗ୍ରହ ନୁ ଉକାକ୍ କାର୍ଡି ଦ୍ରୁସ୍ ଆଦତା । ପୃତିବିତଡ଼ ତାନାଗ୍ ମାୟାନ୍ ସାରେ ବିଷୟତଡ଼ ବିନଷ୍ଟ ଆଦତେ ।

୧୧ ଯଦି ଇଦ୍ ଲେକାମ୍ ସାରେ ବିଷୟ ଦସ୍ ଆଦତା, ଆଲେକ୍ ଆଲ୍ ସୁଡ଼ାର୍, ମିୟାଦ୍ ବେସଡ଼ ଜିଞ୍ଜୁଣ୍ଟ ଆଦାନ ଦରକାର୍ । ଆଦ ପବିତ୍ର ନୁ ଇଶ୍ବରତେ ମୁନେ ଉତ୍ସର୍ଗ ଆଦାନାଦ୍ ନିୟାତି ଦରକାର୍ ।

☆ ୩:୧୦ ମାଡ଼ିଉ ୨୪:୪୩; ଲୁକ ୧୨:୩୯; ୧ ଥେସଲନିୟ ୫:୨; ପ୍ରକାଶିତ୍ ବାକ୍ୟ ୧୭:୧୫.

୧୨ ମିତ୍ ପ୍ରବୁନ୍ ଦିନାମ୍ତିଙ୍କ କେପି ମାନ୍ଦାନ ଝେଲେ, ଆଦ୍ ବେଲାନ ଜାପେ ଝାଦ୍ତେ, ଆଦିନ୍ ସେଙ୍ଗେ ନିଜେତିଙ୍କ୍ ତିଆର୍ ମାଡାର୍ । ଆଦ୍ ଦିନେ ମୟଲ୍ କାର୍ଝି ଦ୍ଵଂସ ଆଦ୍ତା । ମୟଲ୍ତେ ଗ୍ରହ ଉକାକ୍ ଗାଟି କାମ୍ବେତେ ଉଡ଼୍ଯି ଆଦ୍ତା ।

୧୩ ☆କିନ୍ତୁ ମୁମେ ଇଶ୍ବରତେ ତିଆର୍ ମାଡିମାନ୍ଦାନ ଝେରଡ୍ ପୁନେ ମୟଲ୍ ନୁ ପୁନେ ପୃତିବିତାଗ୍ ମିନ୍ଦେଡ୍ । ଆଗେ ଦାର୍ମାମ୍ ନାରୁଡ୍ ମାନ୍ଦାନ ପଡ଼୍ଯେ ଆଦ୍ତେ ।

୧୪ ଆ ପ୍ରିୟ ସାଙ୍ଗନଡି, ଆଦ୍ ଦିନାତେ କେପାନ ସମୟତେ ମିତ୍ ଇଶ୍ବରତେ କଣ୍ଢେତେ ପବିତ୍ର ନୁ ନିର୍ଦ୍ଦଷ୍ଟ ଆସ୍ ଶାନ୍ତିତେ ମାନ୍ଦାନଙ୍କ୍ ଜିଝେତାଗେ ତେଷ୍ଟା ମାଡାର୍ ।

୧୫ ଏକେ ମାଡାର୍, ପ୍ରବୁ ବେସର୍ ଲେକେଡ୍ । ମିୟାଦ୍ ପରିତ୍ରାଣ ସେଙ୍ଗେ ଅଣ୍ଟ ବେସର୍ ସୁଯଗ୍ ଇଦୁତନ୍ । ମାନ୍ ପ୍ରିୟ ଦାଦାଲ୍ ପାଉଲ୍ ଇଶ୍ବରତାଗାଙ୍କ୍ ପାଏମ୍ଆଡ୍ତେ ଜ୍ଞାନତଡ୍ ମାଈ ଗାରେ ଇଦ୍ ଲେକାମ୍ ଚିଟି ଲେକ୍ତଣ୍ ।

୧୬ ଅଡ୍ ଲେକ୍ତେ ଚିଟିନାଗ୍ ଇଦ୍ ବିଷୟତେ ଅଣ୍ଟ ଲେକ୍ତଣ୍ । ଆଲେକ୍ତ ଅନ୍ ଚିଟିନାଗ୍ ବେସର୍ ବିଷୟ ବୁଜେମ୍ ଆଦାଙ୍କ୍ କଷ୍ଟ ଆଦ୍ତେ । କିନ୍ତୁ ମୁର୍କ୍ ନୁ ଦାନ୍ଦେ ଲେକେଡ୍ ନାରୁଡ୍ ଶାସ୍ତ୍ରତାଦ୍ ବାଗାଡ୍ ଦୁଡେ ଲେକାମ୍ ପାଉଲ୍ତେ ଚିଟିନାଗ୍ ମିକା କାରାପ୍ ଅର୍ଥ ମାଡିତଡ୍ । ଇଦିନ୍ ତଡ୍ ଅଡ୍ ନିଜେ ନିଜର୍ ବିନାଗ୍ ସାଦନ୍ ମାଡୁଡ୍ ।

୧୭ କିନ୍ତୁ ପ୍ରିୟ ସାଙ୍ଗନଡି, ମିତ୍ ଇଝୁସାରେ ମୁନେକଞ୍ଜ ପୁଡ୍ତିଡ୍ । ଆଦିଙ୍କ୍ ସାବ୍ଦାନତେ ମାନୁର୍, ବେଲାକି ଆ କାରାପ୍ ନାରୁଡ୍ତେ ବୁସା ଶିକ୍ଷାତଡ୍ ତାଲେମ୍ ଆସ୍ ନିଜର୍ ଦୃଡ୍ ବିଶ୍ବାସ୍ତାଗାଙ୍କ୍ ଜେକେ ଆନ୍ମାଡ୍ ।

୧୮ କିନ୍ତୁ ମୁନ୍ ପ୍ରବୁ ନୁ ତ୍ରାଣକର୍ତ୍ତାଲ୍ ଜିସୁ କ୍ରିଷ୍ଟନ୍ ଜ୍ଞାନ ନୁ ଅନୁଗ୍ରହତେ ମିତ୍ ପେର୍ସାଡ୍ । ଇଞ୍ଜେ ନୁ ସାରେଦିନା ଅନାଦ୍ ଗୌରବ୍ ଆୟି, ଆମେନ୍ ।

ପୁନାବ୍ ଆର୍ବ୍

The New Testament in the Koya language of India:

ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍

ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae